

- ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum. ¶. Et cum spiritu tuo.

OREMUS.

Omnipotens æterne Deus, Pater Domini nostri Iesu Christi; Pater misericordiarum, qui pisces in fluminibus maris crescere, et multiplicare dignatus es; præsta quæsumus, ut hos parvos pisciculos in istam piscinam impositos crescere, et multiplicare tua gratia digneris. Per Dominum nostrum, etc.

Crescite, et multiplicamini vos parvi pisciculi, et replete istam piscinam in nomine Patris **X**, et Filii et Spiritus Sancti. Dominus det vobis suam benedictionem. Amen.

OREMUS.

Deus omnipotens, qui hanc creaturam piscium ex aquarum fluctibus in mundi principio prodire jussisti, quam inter ceteras creaturas tuo ore benedicto dignatus es benedicere, et de qua, post assumptam humani generis formam, Unigenitus Filius tuus coram discipulis suis assa igni comedere voluit, ad insinuandum nobis suæ Passionis cruciatus, bene **X** dic etiam hos cibos piscium, et præsta nobis, ut, qui de Passione Domini nostri Jesu-Christi, et ardore tribulationis sumus excociti, de ineffabili ejus resurrectione refrigerati, Pane celesti lætemur. Per eundem Dominum nostrum, etc.

Aspergatur aqua benedicta.

TITULUS III.

DE BENEDICTIONIBUS AGRORUM, VINEARUM, ARBORUM ET SEMINUM.

Benedictiones contentæ in hoc tertio titulo fieri possunt à quocumque simplici Sacerdote.

BENEDICTIO AGRORUM, VINEARUM, ET ARBORUM CUM NOVIS FRUCTIBUS.

(Ex Manuali seu Rit. Ord. S. Francisci).

- ¶. Adjutorium nostrum in nomine Domini.
 ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum.
 ¶. Et cum spiritu tuo.

OREMUS.

Pietatem tuam, omnipotens Deus, humiliter exoramus, ut has primitias creaturæ tuæ quas aeris et pluviae temperamento nutrire dignatus es, bene **X** dictionis tuæ rore perfundas, et fructus terræ usque ad maturitatem perducas, tribuas quoque populo tuo de tuis muneribus tibi semper gratias agere: ut fertilitate terræ esurientium animas bonis affluentibus repleas, et egenus, et pauper laudent nomen tuum. Per Christum Dominum nostrum. ¶. Amen.

OREMUS.

Dignare, Domine Deus Pater omnipotens, hos agros, (vineas, arbores, etc.) bene **X** dicere, et custodire cum fructibus suis: ut non seminet super eos hostis antiquus semina sua aut zizania; nec turbet eos aliquod malum, non calor eos siccat, non tempestas conturbet, nec grando conterat, non ventus exuret, non ærugo aut tinea demoliatur, non locusta mordeat, nec animal aliud quocumque inficiat, sed protectione tua eos pluvia opportuna salutares et congruos faciat, refrigeret, et usque ad complementum culturæ sol eos crescere faciat, aer muret, et virtus divina conservet. Per Christum, etc.

OREMUS.

Domine Deus omnipotens, omnium rerum creator, et conservator, quæsumus clementiam tuam: ut per merita, virtutes, et intercessionem Bmæ. et Glormæ. semper V. Mariae, et sancti Joseph sui Sponsi, omniumque Sanctorum exaudias deprecationes nostras, et bene **X** dicas hos agros (vineas, arbores, etc.) et fructus eorum benedictione sancta tua, qua liberentur ab omni maleficio diaboli, et tempestatum, ventorumque, et omnium animalium noxiiorum. Qui vivis, et regnas in unitate Spiritus Sancti Deus: per omnia sæculorum. **R.** Amen.

Aspergantur aqua benedicta.

ALIA BENEDICTIO AGRORUM, VINEARUM, ET ARBORUM CUM NOVIS FRUCTIBUS.

(Ex Cerem. seu Rit. Ord. S. P. Augustini).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

OREMUS.

Oramus pietatem tuam, Omnipotens Deus, ut has primitias creaturæ tuæ, quas aeris et pluviae temperamento nutrire dignatus es, benedictionis tuæ imbre perfundas, et fructus terræ tuæ usque ad maturitatem perducas. Tribuas quoque populo tuo de tuis muneribus tibi semper gratias agere, ut à festivitate terræ esurientium animas bonis affluentibus repleas, et egenus et pauper laudent nomen gloriae tuæ. Per Christum, etc.

Aspergantur aqua benedicta.

BENEDICTIO PRO VINEA SOLA.

(Ex Col. P. Sannig).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

OREMUS.

Deus qui vineam tuam ex Ægypto eductam mirabiliter plantasti, preces nostras benignus exaudi, ut in vineam famulorum tuorum bene ✠ dictio cœlestis copiosa descendat; et quod in ea ad usum humani generis tribuere dignatus es, multipliciter redundando rorem tuæ bene ✠ dictionis infunde. Per Christum Dominum nostrum. **r.** Amen.

Aspergatur aqua benedicta.

BENEDICTIO HERBARUM.

(Ex Rit. FF. Ord. B. V. M. de Mont. Carm.).

v. Adjutorium nostrum in nomine Domini.

r. Qui fecit cœlum et terram.

v. Domine, exaudi orationem meam.

r. Et clamor meus ad te veniat.

v. Dominus vobiscum. **r.** Et cum spiritu tuo.

OREMUS.

Bene ✠ dic, Domine Deus, hanc herbam, et præsta; ut qui in tuo nomine utentur ex ea, sint et ipsi sanctificati et benedicti. Per Christum Dominum nostrum. **r.** Amen.

Aspergantur aqua benedicta.

BENEDICTIO RUTHÆ.

(Ex Manual. seu Rit. Seraph. Ord. S. Fran.).

v. Adjutorium nostrum in nomine Domini.

r. Qui fecit cœlum et terram.

v. Domine, exaudi orationem meam.

r. Et clamor meus ad te veniat.

v. Dominus vobiscum. **r.** Et cum spiritu tuo.

OREMUS.

Bene ✠ dic, Domine Jesu-Christe, hanc rutham, et infunde ei per tuam charitatem benedictionem tuam cœlestem: ut quicumque ex ea suffumigatus fuerit, vel secum habuerit, nullus inimicus ei nocere possit, et à quibuscumque in locis ubi sparsa, vel posita fuerit recedat diabolus, et fugiat perterritus: benedicaris itaque rutha, in nomine Pa ✠ tris, et Filii, et Spiritus Sancti: ut sis exterminatio diaboli, et omnium contubernialium ejus. Per eum qui venturus est judicare vivos et mortuos, et sæculum per ignem. **r.** Amen.

Aspergatur aqua benedicta.

BENEDICTIO SEMINIS SERICI SEU BOMBICUM.

(Ex Rit. Vicensi et Col. P. Sannig).

v. Adjutorium nostrum in nomine Domini.

r. Qui fecit cœlum et terram.

v. Domine, exaudi orationem meam.

r. Et clamor meus ad te veniat.

v. Dominus vobiscum. **r.** Et cum spiritu tuo.

OREMUS.

Creator omnipotens Deus, qui semina fructificare, et multiplicare facis, et in usus nostros misericorditer pervenire concedis; per intercessionem B. Mariæ semper V., et omnium Sanctorum, supplicationes nostras

placatus intende: et haec semina vermiculorum, qui sericum condunt bene ✠ dicere, et sanctificare tua benignitate digneris: ut copiosius mittant effectus suos; quatenus ad Ecclesiæ tuæ, sanctorumque altarium tuorum decorum, et ornatus, atque etiam ad usus nostros perveniant. Per Christum Dominum nostrum. R. Amen.

Et benedictio Dei omnipotentis Pa ✠ tris, et Filii, et Spiritus Sancti descendat, et maneat super haec semina.
R. Amen.

Deinde asperget aqua benedicta.

ALIA BENEDICTIO SEMINIS SERICI.

(Ex Rit. Tarr. Barcin. et Gerund.).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu-Chryste, Fili Dei vivi, qui ex quinque panibus hordeaceis, et duobus piscibus quinque millia hominum satiasti, et populum Israeliticum in deserto miraculose pavisti; quique semina subtus terram posita, fructificare et multiplicare facis, et in usus nostros misericorditer concedis: tuam ineffabilem misericordiam supplices oramus; ut haec bombiculum semina, quæ tibi hodie benedicenda offeruntur, per intercessionem Beatae Mariæ semper Virginis, et omnium Sanctorum, tua pietate bene ✠ dicere, et multiplica-

re digneris; ita ut ad optatum finem perducta, possint ad tuæ Majestatis cultum, animabus nostris, atque corporibus deservire. Qui vivis et regnas Deus per omnia sæcula sæculorum. R. Amen.

Et benedictio omnipotentis Dei Pa ✠ tris et Fi ✠ lii, et Spiritus ✠ Sancti descendat, et maneat super haec semina. R. Amen.

Deinde asperget aqua benedicta.

BENEDICTIO HORREI AD PONENDUM TRITICUM.

(Ex Rit. Vicen. ord. ab Ilmo. Ep. D. de Tocco).

- ¶. Adjutorium nostrum in nomine Dominus.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Multiplica quæsumus Domine, in hac area frumenti dona tua; et sicut fidelibus tuis trigesimum atque sexagesimum, vel centesimum fructum donare consuesti: ita et famulis tuis præsenti tempore uberioris tuæ liberalitatis dona largire: et tuam super eam bene ✠ dictionem infunde. Per Dominum nostrum, etc.
R. Amen.

Aspergatur aqua benedicta.

BENEDICTIO TRITICI ET ALIORUM AD SEMINANDUM.

(Ex Man. seu Rit. Seraph. Ord. S. Fran.).

- ¶. Adjutorium nostrum in nomine Domini.

- r). Qui fecit cœlum et terram.
 v. Domine, exaudi orationem meam.
 r). Et clamor meus ad te veniat.
 v. Dominus vobiscum. r). Et cum spiritu tuo.

OREMUS.

Omnipotens sempiterne Deus, Creator generis humani, humiliter et devote exoramus clementiam tuam, ut hoc semen tritici, quod in tuo sanctissimo Nomine saturi sumus in agris nostris, bene ☩ dicere, et multiplicare, atque ad maturitatem perducere digneris: ut per universum mundum laudetur dextera tua. Per Christum, etc.

Aspergatur aqua benedicta.

BENEDICTIO FRUMENTI, ET ALIORUM SEMINUM IN DIE
SANCTI RUPI.

(Ex Rit. Tarr. et Urg.).

- v. Adjutorium nostrum in nomine Domini.
 r). Qui fecit cœlum et terram.
 v. Domine, exaudi orationem meam.
 r). Et clamor meus ad te veniat.
 v. Dominus vobiscum. r). Et cum spiritu tuo.

OREMUS.

Domine sancte, Pater omnipotens, æterne Deus, bene ☩ dicere, et sanctificare dignare hoc frumentum, et alia genera fructuum, et seminum, quæ nos indigni peccatores famuli tui, per invocationem unigeniti Filii tui Domini nostri Jesu-Christi, et Sanctissimæ

Virginis Mariæ, omniumque Sanctorum, et Beati Rupi Confessoris tui atque Pontificis deferimus, et bene ☩ dicere præsumimus; clementissime omnia tua benedictione sanctificare, et ad proventum humani generis pervenire concede. Per eumdem, etc.

Et aspergatur aqua benedicta.

BENEDICTIO ARBORUM ET FRUCTUUM EARUM.

(Ex Col. P. Sannig).

- v. Adjutorium nostrum in nomine Domini.
 r). Qui fecit cœlum et terram.
 v. Domine, exaudi orationem meam.
 r). Et clamor meus ad te veniat.
 v. Dominus vobiscum.
 r). Et cum spiritu tuo.

OREMUS.

Deus, qui hujus arboris plantam tua visitatione, et tua providentia protectam esse voluisti, nunc etiam eamdem bene ☩ dicere, et sancti ☩ sicut digneris, ut quicumque ex fructibus ejus sumpserint, sani et incolumes esse valeant. Per Christum Dominum, etc.

OREMUS.

Bene ☩ dic, Domine, hunc novum fructum arborum, et præsta, ut qui ex eo in tuo Nomine vescuntur, corporis et animæ sanitatem potiantur. Per Christum, etc. r). Amen.

Aspergantur aqua benedicta.

BENEDICTIO RAMORUM CONTRA TEMPESTATES GRANDINIS, ETC.

IN DIE S. PETRI MART. DIE 29 APRILIS FACIENDA.

(Ex Rit. Vicen. Tarr. Bare. et Urg.).

Sacerdos benedicturus ramos, indutus amictu, alba, (vel superpelliceo) stola (et pluviali si adsit) violacei coloris, Ministro crucem deferente, acolytis cum cereis accensis, et thuriferario, veniet ad altare, et positus in cornu Epistole, versa facie ad populum, et ad ramos, quos benedicere cupit, et cantando, si commode fieri potest, dicet, vel leget :

- ¶. Adjutorium nostrum in nomine Domini.
- ¶. Qui fecit celum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Omnipotens sempiterne Deus, auge in te sperantium fidem, et supplicum preces clementer exaudi : veniat super nos multiplex misericordia tua, benedictantur et huius rami, et sicut in figura Ecclesiae multiplicasti Noe de arca egredientem, et Moysen de Egypto cum filiis Israel exeuntem : ita nos portantes hos ramos ad gloriam tuam, honoremque B. Petri Martyris tui bonis, actibus occurramus Jesu-Christo Domino : et per ipsum, et intercessionem tui praefati Martyris in gaudium introeamus aeternum. Qui tecum vivit, etc.

Post hanc orationem Diaconus (si aderit, aut alias

ipse Sacerdos) accepta benedictione à Sacerdote, cantabit, vel leget Evangelium S. Joannis :

- ¶. Dominus vobiscum. ¶. Et cum spiritu tuo.
- ¶. Initium sancti Evangelii secundum Joannem.
- ¶. Gloria tibi Domine.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt : et sine ipso factum est nihil. Quod factum est, in ipso vita erat : et vita erat lux hominum : et lux in tenebris lucet, et tenebrae eam non comprehendunt. Fuit homo missus a Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera quae illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit : in propria venit, et sui eum non receperunt. Quodquod autem receperunt eum, dedit eis potestatem filios Dei fieri, his qui credunt in nomine ejus : qui non ex sanguinibus, neque ex voluntate carnis, neque ex voluntate viri, sed ex Deo nati sunt. (*Hic genuflectitur*). Et VERBUM CARO FACTUM EST, et habitavit in nobis : et vidimus gloriam ejus, gloriam quasi Unigeniti a Patre plenum gratiae, et veritatis.

Dicto Evangelio, Sacerdos tono feriali cantabit sequentes orationes sine Dominus vobiscum, et sine oremus.

Deus, qui dispersa congregas, et congregata con-